



Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

01 Décembre 2017

(12 Rabi'ul Awwal 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « *Le Saint Prophète de l'Islam en tant ki ene Papa.* »



Aujourd'hui c'est vendredi le 12 Rabi'ul Awwal 1439 AH. La majorité de bane musulmans dans le monde entier pé célébrer *Yaum-un-Nabi* - le jour du Prophète (saws), tandis ki bane les autres appelle sa jour là, *Milad-un-Nabi* - l'anniversaire du Prophète (saws). Tandis ki célébrer l'anniversaires pas ti ene *Sunnah* du Prophète Muhammad (saws), sak musulman bizin garde à l'esprit ki bane tels célébrations ki ressembler bane pratiques de bane non-Musulmans (par exemple coupe et souffler la bougie et faire bane souhaits, faire fête - chanter et danser, et consomme bane la boissons alcolik etc.) zot strictement interdits dans l'Islam.

Quant à nous, nous préfère commémore le *Seerat-un-Nabi*, c'est-à-dire, commémore la vie et l'histoire du Prophète (saws) afin ki nous capave rappelle nous de so caractère parfait en tant ki ene être humain et prophète.

Muhammad littéralement veut dire, celui ki dimounes faire so louanges (so éloges) beaucoup. Avant même ki li proclame li prophète, so propre peuple ti conne li comme

ene dimoune véridique (*As-Siddiq*) et digne de confiance (*Al-Ameen*). Le Saint Prophète de l'islam (saws) ti papa de trois garçons et quatre ti filles. So deux garçons, Qasim et Abdullah, ki ti connu dans la famille comme Tayyab et Tahir ti né de Hazrat Khadija. Ene l'autre garçon, Ibrahim, ti né plus tard de Hazrat Maria, so madame (épouse) Copte (ki ti par la suite embrasse l'islam).

Le premier né ti Qasim et après so naissance, selon coutume arabe, le Saint Prophète fine recevoir l'appellation (*Kunya*) Abul Qasim, c'est-à-dire, papa de Qasim. Qasim ti mort à l'âge de deux ans avant l'avènement de l'islam. À côté de Qasim ti ena so ti fille aînée ki ti appelle Zainab. Après li ti ena so bane ti filles Ruqayya, et Umme Kulsoom. Fatima, kan à li ti la plus jeune de tous so bane ti filles. Plus jeune zenfant du Saint Prophète et de Hazrat Khadija ti Abdullah, ki ti mort avant l'avènement de l'islam.

Hazrat Khadija ti ena deux zenfants avec so deux ancien maris, kot avec le premier li ti gagne ene garçon, et avec le deuxième, li ti ena ene ti fille, et tous les deux zenfants (garçon et ti fille) ti appelle Hind. Apparemment, bane zenfants là ti reste avec zot bane familles respectifs de côté zot papa et zot ti pé vine seulement rende Hazrat Khadija visite de temps en temps pour recevoir l'affection zot mama et bane cadeaux. Hazrat Khadija so garçon, Hind Ibn Abi Hala ti paraite bien attaché à so beau-père, le Saint prophète (saws), parski plus tard dans l'islam, li fine écrire avec l'enthousiasme sa bane paroles touchants là lors le Saint Prophète (saws): «... *so la bouche ti couma ene boîte de rubis rempli avec perles, so visage ti pli zoli ki la lune kan li plein ...*» Sa refléter sans aucaine doute ene l'intimité, et ene l'amour et respect extraordinaire ki li ti ena pour Hazrat Muhammad (saws).

Selon coutume arabe, kan bane dimoune fine mette Zaid bin Harith en vente, le Saint Prophète (saws) ti demande Hazrat Khadija pou acheter li. Alors li fine acheter Zaid bin Harith et ensuite fine libère li. Le Saint Prophète (saws) et Hazrat Khadija fine alors adopté li couma zot garçon et alors li fine être connu comme Zaid bin Muhammad (Zaid garçon de Muhammad). Li fine vivre sous la protection du Saint Prophète et fine vine ene compagnon et croyant fidèle.

Hazrat Zainab, la fille aînée de Hazrat Muhammad (saws) ti marié à Abul-As bin Rabi bin Abd Shams. Hazrat Ruqayya et Hazrat Umme Kulsoom ti marié avec Utbah et Utaibah, bane garçons de Chacha du Saint Prophète, Abu Lahab. Avec le temps, kan Hazrat Muhammad (saws) fine proclame li prophète de l'islam, Abu Lahab fine convaincre so bane garçons pou divorce tous les deux ti filles de Hazrat Muhammad (saws), Ruqayya et Umme Kulsoom et ensuite tous les deux sœurs fine marier avec Hazrat Usman bin Affan ene après l'autre, après la mort de premier sœur là. Tous les deux ti filles ti mort pendant vivant du Saint Prophète (saws). Hazrat Fatima, so dernier et plus jeune tifille ti marier

avec Hazrat Ali et li ti seul zenfant ki ti survivre le Saint Prophète (saws). Li ti profondément affectée par la mort de so papa, kot sa fine entraîne so la mort six mois après la mort de so papa.

Allah (swt) fine béni le Saint Prophète de l'Islam (saws) et Hazrat Maria, so madame d'origine Copte avec ene garçon ki ti appelle Ibrahim. Sa ti ene moment de contentement extrême pour le Saint Prophète (saws). Li ti naturel ki li exprime so l'affection pour sa nouveau-né là. La maman de sa nouveau-né là, Hazrat Maria, fine également apporte beaucoup contentement pour le Saint Prophète (saws). Kan Ibrahim fine né, Hazrat Muhammad (saws) fine récompense généreusement sage-femme là ki ti appelle Salma, et ki ti madame de Abu Rafi. Hazrat Muhammad (saws) fine célébrer sa naissance de so garçon là avec ene grand bonheur - kan mo pé dire célébrer naissance, mo pas pé dire couma le monde occidental célébrer bane l'anniversaires - mais Hazrat Muhammad (saws) fine exprime so contentement pour sa naissance là et remercier Allah, et par la suite fine ena ene l'attachement bien fort pour so garçon parski avant sa, li ti déza perdi so deux garçons, Al Qasim et Abdullah ki ti bien jeunes.

So bane ti filles, après ki zot fine grandi, fine marier et fine gagne bane zenfants, mais zis Fatima (et so descendance) tousel fine survivre de parmi tous bane zenfants de Hazrat Muhammad (saws). Naturellement, la mort de tous so bane garçons et ti filles, ene après l'autre fine bien affecter Hazrat Muhammad (saws) et c'est li-même ki fine enterre zot avec so propre la mains, et alors tous sa bane décès là fine laisse Hazrat Muhammad (saws) dans ene profond sentiment de deuil. Li donc naturel ki ene papa ki fine trouve la mort de so bane zenfants fine senti li extrêmement content à la naissance d'Ibrahim.

Mais malheureusement, le plaisir ki Ibrahim fine apporte le Saint Prophète (saws) pas fine duré longtemps. Peu de temps après, zenfant là fine tombe gravement malade. Alors li fine être déplacé vers ene logement kot ene dattier près de Mashabat Umm-i-Ibrahim, kot so maman et Sirin, so *Khala* - la sœur de so maman, fine occupe zot de li. Kan so l'état fine aggravé et ki li fine vine clair ki li pas reste longtemps pou vivre, le Saint Prophète (saws) fine être informé de la situation et bane là fine dire li pou vini vite. Li fine tellement choqué par la nouvelle ki li fine senti so bane genoux tellement faible ki zot pas capave tini li, et alors li fine demande Abdur Rahman ibn Awf coup de main pou ki li appuye lors li.

Le Saint Prophète (saws) fine alors tout de suite alle en vitesse kot so madame Maria et li fine arrive juste à temps pour faire so bane adieux à ene bébé mourant lors genoux de so maman. So lé cœur ti déchiré par sa nouveau tragédie là, et so figure ti reflecter ene douleur pénible ki li ti pé retenir à l'intérieur. Étouffant avec chagrin, li fine adresse so garçon Ibrahim:

« Ô Ibrahim, contre le jugement d'Allah, nous pas pou capave fer nannié pour toi » et puis li fine reste tranquille. Larmes ti pé couler de so lizié. Zenfant là doucement doucement ti pé sombrer dans la mort et so maman et so *Khala* ti pé pleurer fort et sans cesse, mais le Saint Prophète (saws) pas fine demande zot pou arrêter. Alors ki Ibrahim ti pé approche de la mort, le Saint Prophète (saws) avec larmes dans so lizié fine dire zenfant là: « Ô Ibrahim, si sa pas ti ene vérité (ou certitude) ki le dernier d'entre nous pas ti pou rejoindre le premier, nous ti pou pleurer encore plisse ki astaire-là. » Ene moment plus tard, li (saws) fine dire: « Liziés envoye zot bane larmes et le coeur triste, mais nous pas dire nannié excepter saki pou faire nous Allah plaisir. En effet, Ô Ibrahim, nous bien peiné par to départ (to séparation) de nous. »

Le Saint Prophète Muhammad (saws) fine essaye supprime so tristesse et pou allège so chagrin. En regardant en direction de Hazrat Maria et Sirin, li fine dire zot ki Ibrahim pou ena so propre nourrice dans paradis.

C'est Umm-i-Burdah, ou selon ene l'autre version, c'est Al-Fazl Ibn Abbas ki fine lave le corps de sa zenfant là en préparation de l'enterrement. Li fine être transporter lors ene ti lili par le Saint Prophète (saws) et ene certain nombre de bane musulmans ziska cimetièrre Al-Baqi, kot, après ene la prière récitée par le Saint Prophète (saws), li fine être enterré. Le Saint Prophète (saws) fine ordonné pou couvert so tombe. Li fine rempli li avec di sable, et arrose li avec de l'eau et li fine érige ene pierre tombale (*Yaad Gaar*). Li fine ensuite déclaré: « Bane pierres tombales pas faire ni di bien ni di mal, mais zot aide pou appaise bane ki vivants. Dans tout saki l'homme faire, Allah souhaite li du bien. »

Fine écrire ki le Saint Prophète (saws) fine dire: « Si Ibrahim ti survivre, li ti pou vine ene vrai prophète. » (Kanzul Ummal).

La mort de Ibrahim fine coïncide avec ene éclipse du soleil, ene phénomène ki bane musulmans fine prend couma ene miracle. Zot fine fane sa causer là partout ki soleil fine éclipser de tristesse à cause la mort de Ibrahim. Le Saint Prophète (saws) fine tanne zot et fine dire: « Le soleil et la lune zot bane signes d'Allah. Zot pas éclipser ni pour la mort ni pour la naissance d'ene dimoune. Kan zot trouve ene l'éclipse, alors, rappelle zot d'Allah et tourne vers Li dans la prière. »

Ki Allah toujours satisfait et content nous modèle et prophète parfait Hazrat Muhammad (saws) et bane membres de so famille et so bane compagnons pour toujours, et ki Li gracié So *Ummah* avec ene regard de miséricorde et d'amour et aide nous pou ramène la gloire de l'Islam suivant le pas de nous bien-aimé maître (saws). *Ameen*.